

NAQQIUT

(siunnersuuteqartoq allanngorpoq)

16. april 2019

UPA2019/119

Inatsisartut suleriaasianni § 36 naapertorlugu matumuuna apeqquteqaat aallaavigalugu oqallinnissamik siunnersuut saqqummiuppara:

Kinguaassiuutitigut atorerluisoqarsimatillugu ilaqutariit eqqugaasut ataatsimoortillugit avissaartuutsinnagit piffinni katsorsaqaatigiittalernissaat anguniarlugu qanoq iliiuseqartoqarsinnaanera pillugu apeqquteqaat aallaavigalugu inatsisartunut oqallisissiaq.
(Inatsisartuni Siumup gruppiani ilaasortat)

Kinguaasiutitigut atorerluinerit, kingunerisaannik ajoraluartumik meeqqat amerlasuut angajoqqaaminnik angajoqqaatullu oqartussaassuseqartuniit, allanut paarisassanngortinneqanngikkunik ulloq unnuarlu inissiisarfinnut inissikkallarneqartartut amerlapput.

Tamatuma kingorna amerlasuutigut atorerlugaaffiusimasumut utertinneqartarput, meeqqanut atorerlunneqarsimasunut inuunerup nuannersuanik misigisaqareerlutik ajornartorsiuteqarfigilersimasaminnut utertinneqartarput annerusumik qanoq iliornissaannik oqaloqatigineqarnatik utertinneqarsinnaasarlutik. Uffa massa ilaqutariit tamarmik eqqugaasut annerusumik minnerusumillu katsorsagaanissamat ilaqutariitullu ingerlaqqinnissamat ikorfartorneqarnissamik pisariaqartitsigaluartut.

§ 37 aqqutigalugu apeqquteqaat aallaavigalugu akissuteqaammi iliiuseqarneq ingerlasoq oqaatigineqarpoq, Tamanna qujanaqaaq. Naalakkersuisullu periusissiaanni aamma ilaqutariit avissaartinnagit katsorsaasarnissap tikikkiartaartalernissaa eqqaaneqarpoq.

Kisiannili pisoqarfiusumi eqqugaasut tamakkerlugit ataatsimut “katsorsarneqartanngimmata” ajornartorsiutit uteqqiattutut taasariaqartut amerliartortutut isikkoqarput, qanorlu iliiuseqarfigineqartariaqarlutik.

Akuersaarneqarsinnaanngilaq ajuusaarnarlunilu piaarnerusumillu iliiuseqarfiginissaa ataatsimoorullugu sulissutigisariaqalerpoq,

Angerlarsimaffiup avataanut inissiisarnerit qiviaraanni aningaasarpassuarnik naleqarpoq.

Ataatsimoortitsiviusumillu katsorsaaviusumik pilersitsinissaq siunissaq eqqarsaatigalugu minnerunngitsumik ilaqutariittut, isumaqarluinnarpugut isumatusaartumik suliniutaassasoq, tassanissaaq annertusisamik pisariaqartitsisoqarsinnaanera nalilersorneqartassamat.

Taamaattumik atornerluisoqarsimatillugu ilaqutariit ataatsimoortillugit piffinni katsorsaqatigiittaler-
nissaat anguniarlugu Naalakkersusut suliniuteqaqqullugit peqquneqarnissaat siunnersuutigaarput.